

auxilio, quo posset contra premissa vel premissorum aliquod venire vel aliquatenus se iuvare. Actum est hoc in domo fratrum Salvatoris de ordine sancti Guilelmi, que est in plano Tripolis, anno domini a nativitate millesimo ducentesimo octuagesimo sexto, indictione XIV^a, die Sabbati XVI Novembris, presentibus discretis et religiosis viris fratribus Johanne Piccardo, Helya Normanno, Francisco Fusco, ordinis supradicti presbytero, Petro capellano dicti domini Bartholomei, Ferry scriba ipsius domini Bartholomei et Nicolao notario infrascripto testibus ad hoc vocatis specialiter et rogatis. Et ad maiorem rei certitudinem et firmitatem sepefatus dominus Bartholomeus huic instrumento publico sigillum suum proprium fecit appendi.

Ego Nicolaus Pomedellus de Padua, filius quondam Johannis notarii de Duḡ, imperiali auctoritate publicus notarius et nunc domini vicarii Tripolitani, predictis omnibus interfui et rogatus scripsi et publicavi meoque signo signavi.

Venedig, Archivio di Stato. Atti dipl. misc. XVI, n. 531.

11.

1304. Juni 3. Perugia. Benedict XI. trägt dem Cantor von Basel auf die Privilegien des Deutschen Ordens, namentlich betreffs der Rechtsprechung, in Schutz zu nehmen.

Benedictus episcopus servus servorum dei. Dilecto filio cantori ecclesie Basiliensis salutem et apostolicam benedictionem. Etsi cunctos sub religionis observantia militantes favore benivolo foveamus, tamen dilectos filios magistrum et fratres Hospitalis sancte Marie Theotonicorum Jerusalemiani, qui mundanis illecebris salubriter abdicatis se divinis obsequiis devoverunt, se et sua totaliter pro illis exponere non verentes, favoris et gratie prerogativa prosequimur et ad ipsius hospitalis solerter intendimus incrementum, moleste ferentes iniurias et iacturas, que magistro et fratribus ipsis a quibualibet inferuntur. Cum itaque, sicut ad nostrum pervenit auditum, iidem magister et fratres a nonnullis, qui nomen domini in vacuum recipere non formidant, in eorum personis et bonis multipliciter molestantur, nos volentes ipsorum magistri et fratrum providere quieti et perversorum conatibus obviare discretioni tue per apostolica scripta mandamus, quatinus eisdem magistro et fratribus efficacia presidio defensionis assistens non permittas ipsos contra indulta privilegiorum sedis apostolice ab aliquibus indebite molestari, molestatores huiusmodi, quicumque et cuiuscunque religionis, conditionis aut status existant, etiam si pontificali prefulgeant dignitate, auctoritate nostra appellatione postposita compescendo, non obstantibus constitutionibus tam felicis recordationis Bonifacii pape VIII predecessoris nostri, qua caveatur, ne conservatores a sede apostolica deputati extra civitates et districtus, in quibus deputati fuerint, contra quoscunque procedere aut aliquos ultra unam dietam a fine districtus earundem trahere presumant, quam de duabus dietis in concilio